

慈悲蘭盆目連懺卷上



風陵文庫
文庫19
F 459
1





文庫
F-437






目連懺法序

佛
經

翰林學士尚書戶部侍郎知制誥上柱國賜紫金魚袋王源中述

原夫空有顯号日月現乾坤闢而名相
彰夫婦農作之事興君臣父子之道立
二儀已判人生於中或云人常得人道
或說便為鬼靈不知蝶為我已我已蝶
形方晦昧於櫻孩比混沌於雞子斯皆
未了由愛故生藉業而有輪迴苦海往
復迷津者乎良由懺法緣起先聖後昆
拔苦與樂者哉王舍城中傳相之妻青

提夫人幻生羅卜曰子後獲出家目連
是也青提者也自違三德業墜九幽苦
非孝子之誠曷免鍊圍之劇幸佛光力
大禪定功深歷徧泉關大興惻隱恩波
澤於湖海利物濟生弘願廓於山川報
親拔萃鍊牀化為獅子座鑊湯翻作蓮
華池晟建蘭盆解倒懸器集成妙懺大
契無生專為出世之經綸永燭昏衢之
日月大槩如斯為之序引



蓋乎淨天下降身光自隨因食地肥遂
生貪著上觀青象妙高色而浮光下察
黃輿風蕩水而成結色塵頓顯清濁自
然嗟乎善以緣興惡因業墜喻如王舍
城中傅相之妻毓子羅卜奉嚴事畢遂

乃出家號目連者也思母悞用齋錢必
招劇楚推求報本歷遍幽扃幸感
佛恩震開獄戶得生天道於是金陵法
師造懺流行後於雲川石鏡明禪師處
聞見謄之分為三帙文句太繁相拉高

明搜經添削復求名德知識訂證焚蕪
禱之闡之卜之皆吉遂乃刊梓流行真通
叨逢

聖世忝值僧倫根智微慵理道尚壅不
解利他益已安能報德酌恩傳唱敷揚

使法門而續響恢弘大法廓慧海而無
窮由是出煩惱流登涅槃岍粵我

本師釋迦世尊矣功非小補利有大哉
絕筆云理道之功日日新滿懷氣宇四
時春恩霑沙界諸含識同轉如來正法輪

真通

重整

原夫三界肇興一言廣救二儀混合六
趣全彰行邪而輪轉不休念正則沉潛
有息孔子之書孝義為先釋氏之教度
親為家內乎書而行正外乎教而念邪
思無邪兮百行純想有正兮一念即行
念則以身脩邪正且由心作青提業造
阿鼻泥羅卜果修毘婆舍行願邪正業
果分明慧日朗於長空心塵自昧仁風
涼於大地性火猶然纏愛縛於倒懸結

業繫於幽閉匪懺而不能解非悔而不能除輪轉不休沉潛未息故萬德世尊開顯蘭盆飽飢虛於甘露六和清衆恣行林苑飡法味於醍醐誦華梵禮洪名倒懸解釋熱妙香散衆色幽閉豁然通於神明祭於鬼享一念正修百行齊克六根早淨咸登妙覺之道場三業速清盡證真如之理地法門宜恢廓佛事可興隆事理混融果因雙顯即心自性成就慧身乃最勝之緣由此之大要道也

昔至正辛卯佛歡日嘉禾泉石隱人釋
宗源志海序

初入壇左右分行立定首者稱念

南無大悲觀世音菩薩

衆和二聲首者舉大悲呪
衆同念轉

道洒淨或三五七遍仍分行立定建懺拈香禮拜首者

舉讚香云

願此香衆和作音

遍十方供養一切佛并

諸賢聖像願慈悲哀納受香供養

供養畢
首者舉

有一菩薩結加趺坐名曰普賢身白玉
色五十種光光五十種色以為項光身

諸毛孔流出金光其金光端無量化佛
諸化菩薩以為眷屬安祥徐步兩大寶
花至行者前其象開口於象牙上諸池
玉女鼓樂絃歌其聲微妙讚歎大乘一
實之道行者見已歡喜敬禮復更讀誦
甚深經典徧禮十方無量諸佛禮多寶
佛塔及釋迦牟尼并禮普賢諸大菩薩
發是誓願若我宿福應見普賢願尊者
徧告示我色身

衆和引入懺筵各於位立定念畢首者舉云

南無普賢菩薩衆同念十聲首者舉

一切恭敬衆和


一心頂禮十方法界常住佛 一拜

一心頂禮十方法界常住法 一拜

一心頂禮十方法界常住僧 一拜

就跪首者念云作音念

是諸衆等各各胡跪嚴持香花如法供養衆同和



供養十方法界三寶首者舉運相偈

願此香花徧十方衆 以為微妙光明臺

諸天音樂天寶香 諸天肴饍天寶衣

不可思議妙法塵

一一塵出一切塵

一一塵出一切法

旋轉無礙互莊嚴散花起

徧至十方三寶前

十方法界三寶前

悉有我身脩供養散花止

一一皆悉徧法界

彼彼無雜無障礙

盡未來際作佛事

普熏法界諸衆生

蒙熏皆發菩提心

同入無生證佛智



首者作梵音念運相偈

願此香花雲衆和

徧滿十方界伏拜

供養一切佛

尊法諸菩薩

無邊聲聞眾

及一切天仙

以起光明臺起跪念

過於無邊界

無邊佛土中

受用作佛事

普熏諸眾

皆發菩提心

首者舉念

供養已

和眾

一切恭敬

眾同起三首者舉諸佛菩薩名號



南無清淨法身毘盧遮那佛

南無願滿報身盧舍那佛

南無千百億化身釋迦牟尼佛

南無當來下生弥勒尊佛

南無文殊師利菩薩

南無普賢菩薩

南無大悲觀世音菩薩

南無大勢至菩薩

南無天親菩薩南無無着菩薩
南無地蔵菩薩南無清淨大海衆菩薩

每一聲衆和一聲畢首者讚佛云

容顏甚奇妙和衆
我適曾供養
光明照十方
今復還親覲



聖主天中王
迦陵頻伽聲

哀愍衆生者
我等今敬禮衆禮畢首者舉唱云

讚諸佛偈音者念一聲衆和一聲

天上天下無如佛
十方世界亦無比
世間所有我盡見
一切無有如佛者

四八端嚴微妙相
祇耶三大劫脩來
面如滿月目如蓮
天上人間咸恭敬
大慈大悲愍衆生
大喜大捨濟含識
相好光明以自然
衆等志心歸命禮
慈悲蘭盆目連懺法道場卷上

啓運慈悲懺法道場一心歸命頂禮十方三世一切諸佛
南無過去毘婆尸佛
南無尸棄佛
南無毘舍浮佛
南無拘留孫佛
南無拘那含牟尼佛
南無迦葉佛

南無釋迦牟尼佛

南無當來彌勒佛

南無普賢菩薩

夫覺皇治世。應跡塵寰。興慈悲為首。拔苦楚為先。肇三寶以出興。悔一心而剖露。愍四衆之纏縛。集三帙之要文。依事

顯名。立斯妙懺。報親祈福。無越真乘。經教所明。畧伸管見。十方諸佛。常在世間。微妙之音。充滿法界。僧祇律藏。功行猶深。恩從三德。灑甘露於大小根莖。行乃微成。布慈雲於江湖海。常光不昧。照

觸幽關。人生世間。尠知出要。歸投佛法。
僧寶。即是出世良田。毘盧遮那。遍一切
處。歸依佛者。得無上尊。是故能令佛種
不斷。歸依法者。得離欲尊。是故能令法
種光芬。歸依僧者。得衆中尊。是故能令
僧種芳續。前聖後賢。自覺覺他。衆生迷
背。故受昇沉。撰集斯文。廣陳悔過。重重
發露。種種釋懃。佛名正覺。覺聖覺凡。曩
昔以來。歷行苦行。三祇德備。萬行功成。
號天人師。出世間父。名為佛寶。法從心

覺理顯義深。貝葉金文。琅函玉軸。龍宮湧出。鷲嶺傳來。難議難思。名為法寶僧。號六和。冰清三業。威儀挺特。行止安庠。自利利他。超凡越聖。三衣覆體。萬行脩心。漏盡果圓。標名僧寶。是故佛言。聞名覩相。罪滅河沙。禮念皈依。福增劫石。道場清衆。善子男善女人。多生父母。歷世冤親。未發心者。今發心。未覺悟者。今覺悟。更願三塗六趣。九有四生。從今已往。盡未來際。皈依佛。不墮地獄。皈依法。不墮

餓鬼。皈依僧。不墮旁生。是故我今同業
大衆。從今日去。誓願皈依佛法僧。常禮
三身法報化。常遵戒定慧學。常誦經律
論乘。所謂佛言。皈依敬三寶者。一瞻一禮
百返。生於三十三天。或生人世。猶作帝
王。辟如衆山。須彌極大。喻如溪澗。滄海
家深。諸光明中。日月第一。三寶恩德。算
數難窮。一念回光。罪消塵劫。道場衆等。
同運志誠。等一痛切。皈依世間。大慈悲
父。

南無釋迦牟尼佛

南無降伏諸魔王佛

南無普現色身光佛

南無大智慧勝佛

南無彌勒仙光佛

南無世靜光王佛

南無妙尊智王佛

南無龍種上尊王佛

南無日月光明佛

南無寶珠明耀佛

南無自在力王佛

南無微妙音聲佛

南無寶光幢王佛

南無優鉢羅花殊勝佛

南無無量音聲王佛

南無一切法常滿佛

南無阿彌陀佛

南無地藏王菩薩

南無觀世音菩薩

禮諸佛已。次復懺悔。今日道場。同業大
衆。重複志誠。歸依三寶。三寶即是無量
福田。若能歸敬者。顯發光明。幢光明幢
立。禍福業空。善男女等。人生世間。善惡
報應。如影隨形。苦樂昇沉。皆由心造。若
不歸誠三寶。何由利此二途。善惡二途。
昇沉有異。善則冲虛清淨。法界惡則迷
墜。冥黑幽關。善男子。何名為善。敬重三
寶。孝養二親。行四無量。修六波羅蜜。勤
戒定慧。離貪嗔癡。念生老死。悟寂滅空。

上遵佛化。下導迷盲。心齊萬彙。性等一
真。種德俱備。百福咸臻。義理明通。冤親
平等。資熏幽顯。饒益有情。種種不昧。心
心實行。利他自利。自覺覺人。親近賢良。
遠離惡黨。持齋布施。禮誦脩持。是則名
為善行人也。何者。名惡。謗欺。三寶。不孝
二親。遠離良朋。親近惡友。恣貪嗔癡。發
身口意。搪突聖賢。侵凌真正。作踐佛地。
穢污僧房。殘害生靈。訶叱天地。跣秤瞞
人。損他利己。凶狠暴虐。虎性狼心。不顧

尊卑自高自大長懷五逆毀辱六親般
般罪犯種種非違造寃對因行不律義
是則名為惡行人也道場衆等二途雖
別三寶一如歸命投誠求哀禮懺善則善
根增長惡則惡行消除稽顙一心歸命

頂禮世間大慈悲父

南無十方無量佛

南無十方無量法

南無十方無量僧

南無釋迦牟尼佛

南無普光明王佛

南無普明德佛

南無普淨光王佛

南無多摩羅跋佛

南無旃檀光德佛

南無摩尼幢燈光佛

南無歡喜藏摩尼佛

南無慧炬照明佛

南無上大精進佛

南無海德光明佛

南無精進勇猛佛

南無金剛堅強佛

南無慈力願王佛

南無宋悲願海佛

南無賢善德首佛

南無旃檀莊嚴佛

南無善意力王佛

南無廣莊嚴王佛

南無虛空寶光佛

南無琉璃莊嚴佛

南無寶蓋照空佛

南無金色華光佛

南無不動智光佛

南無地藏王菩薩

禮諸佛已。次復懺悔。今日道場同業大
衆前已歸誠三寶。善惡業行俱空。今當
重復志誠念報慈親恩德。人生百歲。能
幾光陰。終朝汨汨。竟日茫茫。營務縈心。
造緣繫意。舉足動步。無非業纏。殞命忘

軀。隨殃受咎。全不思上報下資。更無念
利他自利。使一生之空過。猶萬劫之難
期。親緣何載。冤滯必通。若不回心轉念。
一向耽滯沉淪。常寂光普照世間。愚迷人
自投黑暗。慈親心念念愛纏。男女身人

人假合。當念生身何有。深懷處世無常。
早明覺慧。望發愚誠。懷報恩心。生慙愧
意。慈親德重。恩報難酬。十月孕胎。三年
乳哺。慈心愛養。牢護不辭。冰寒洗濯。血
污溪池。夏熱汗淋。甘心懷抱。推乾就濕。

襁褓哀棲。從幼至長。念念成褫。此恩此
德。難極難量。若不思酬。實為大逆。今日
道場信善男女。當知有愛則生。愛盡則
滅。母子至愛。愛念不離。因愛有生。因生
有愛。愛纏不斷。至隨輪迴。輪迴不斷。至

有三塗。三塗罪苦。從愛而生。母因愛子。濁淨不分。因濁不知。有悞清淨。因不知淨污。犯罪愆。至墮地獄。因墮地獄。無有出離。若無濟度。何由解脫。現前道場。男女衆等。當修善業。奉報深恩。一得慈親離苦。自家心地開明。作如是念。三寶光存。經中佛說。昔佛在時。王舍城中。有一長者。名曰傅相。其家大富。有子羅卜。心行十善。是時傅相亦好勤修。奉佛齋僧。行六度行。其妻青提。慳貪不捨。嫉妬三

寶憎子怨夫。常行惡行。傳相不幸。俄逝
身亡。產業家資。付子羅卜。孝養母親。承
繼祖道。是時羅卜。見父身亡。深懷孝道。
脩功禮葬。奉嚴已畢。守墓三年。啓白慈
母。父親家產。錢帛資生。今將等分。均為
三處。一。分慈親供贍。一。分奉施佛僧。一。
分免將貨利。資盛不衰。光福家門。昌隆
祖道。母聞歡喜。一依子言。均分資財。從
心所往。聞金地國中。多商貨利。獲益非
常。於是羅卜。辭母。往斯國中。販商為賈。

茲茲為生。是母青提。從子去後。起慳悒
心。喚集姝婢。囑付慇懃。今後但有化緣
登門。推搶關閉。莫與今文。我家財產。慳
積得來。捨彼無慙。有何利益。不如多養
雞猪鵝羊。等畜餒飽。令肥。自供厨爨。豈
不快哉。汝等不從我語。擅施他物。願汝
等。生餓鬼中。不聞漿水。飢渴針喉。受斯
惡報。於是羅卜。商賈獲利。三千貫文。日
居月諸。欲思還家。侍養親生慈母。奉供
常住佛僧。光顯傳家祖道。不知母行慳

惡耗散此。今錢財。善緣。番作惡緣。福果
返成業果。是時羅卜。迤邐回家。踞逢鄉
隣老稚。聚話詢問。元由。未審家中老母
安樂無病少惱。布施福田。饒益行善否。
隣人衆口。告言羅卜。自汝去後。汝母不

善。廣行非法。不奉三寶。恣貪五味。殺害
生命。輕慢鄉隣。耗散家資。全乖道理。羅
卜聞已。心生懊惱。悶悶來歸。是母青提。
遙知子意。安息其心。甜言美語。而告子
云。江河蕩蕩。尚有風波。成人者少。敗人

者多。休信讒言。妄憎母怨。善惡由人造。
生死從天判。子且開歡。莫生疑念。自子
去後。母獨一身。妳婢縱橫。奴僕亂竄。盜
散資財。家中窮迸。羅卜聞言。交談未契。
重整家庭。至嚴孝養。母心虛誑。疾患驚
狂。纔過七日。遂即身亡。是子羅卜。哀痛
難伸。竭盡資財。禮行殯葬。結草守墳。三
年孝滿。思懷報德。舉措無門。於是按佛
出家。脩身淨行。染衣削髮。號目捷連。受
具足戒。悟性明心。獲六神通。思度父母。

上卷序局

音賞 寔耳也

騰騰

音騰

拉臘

音拉

真彙

音真 彙類也

濯

音濁 澆洗 初上聲

保

音保 負 小兒衣也

妳

音乃 妳字

饒

音柔 去聲 散也

悞

音傲 悔惱

逆

音崩 去聲 打也

搗

音搗 搗

押

音壓

辣

音辣 讓

姊

音子

諛

音諛 記憶也

惛

音瓊 獨也

筴

音筴 鞭也

疇

音疇 疇

蘭

音蘭 本之根也

由是啓佛投誠。願求指示。作何方便報
答雙恩。佛告目連。入山靜定。離相觀空。
道獲正真。成阿羅漢。是名僧寶。足報慈
親。目連重白佛言。何山可以靜定。何方
可以觀空。佛言。耆闍崛山。賓鉢羅菴。可
以入定觀空。安心養道。目連謹遵佛勅。
廢寢忘食。晝夜禪參。遍通天眼。普觀宮
闕。不見慈親。復作念言。我母既生我子。
必承我道。生天。有何宿值。別生他方。於
是深懷憂感。痛切肝心。剖露真誠。仰酌

罔極。決志求哀。歸依世間大慈悲父。

南無釋迦牟尼佛

南無彌勒先光佛

南無日月光明佛

南無日月殊光佛

南無慧旛勝王佛

南無獅子吼王佛

南無妙慧音聲佛

南無常光幢王佛

南無觀世燈明佛

南無慧炬燈王佛

南無法勝自然佛

南無須彌寶光佛

南無財勝光明佛

南無須曼那華佛

南無大慧力王佛

南無阿閼歡喜佛

南無大通光王佛

南無山海慧通王佛

南無金海光明佛

南無法常滿王佛

南無常精進菩薩

南無觀世音菩薩

南無地藏王菩薩

禮諸佛已。次復歸誠。現前大眾。合道場人。重複開心。攝耳諦聽。是時目連。懷感

痛心。禮佛哀懇。復更禪那。安心入定。增進神通。遍遊法界。上窮有頂。下徹風輪。佛國天堂。冥途幽壤。地府陰都。遍歷巡觀。悲酸痛切。尋母生方。天耳不聞其處。天眼不見其踪。勇加神力。復更追求。回

神遍於地獄。攝念歷於幽塗。憂感交通。孝慈不息。初入一獄。名曰剉碓。見諸有情。碎身粉骨。苦楚無休。萬死萬生。冤飛膽喪。目連問言。何罪隨此。獄卒荅言。他在世時。恣貪已味。不顧他身。剝剝切剝。

殘害生靈。壽盡命終。當受其報。次有一獄。名曰劍樹。其中獄卒。驅諸有情。攀杵上下。脚手脫落。目連問言。何罪所至。獄卒荅言。處浮世時。劍戟傷人。恒懷惡刺。報滿來歸。當墮此獄。復有一獄。名曰刀

山。其中罪咎。獄卒催行。上山下嶺。脚破
身穿。目連問言。何罪墮此。獄卒乃言。人
生在世。唯貪利養。恣縱刀砧。刹害生靈。
不知限極。罪墮於斯。受此苦報。復有一
獄。號鑊湯輪。熾然猛火。煎煮有情。目連
問言。何罪所致。獄卒答言。貪戀世間。恣
縱口腹。不惜物命。推燔蒸煮。故受斯罪。
復有一獄。名曰石磔。其中罪人。兩石相
磕。形骸粉碎。骨髓消洋。目連問言。罪何
所感。獄卒答言。人在世時。喜食鯁鱠。水

族生靈石。磕其頭。百般煎炒。縱其舌根。
今受斯苦。復有一獄。名曰灰河。塵分爇。
蒸臭烟蓬。焯受苦衆生。皮膚消爛。目連
問言。此何罪報。獄卒答言。坐此生世。不
分善惡。坑陷賢良。故受斯報。復有一獄。
名曰火盆。其受苦者。塘煨身心。熱惱熾
然。目連問言。此何罪墮。獄主答言。此等
衆生。好多生膾。趁活燒殘。調鹽使醋。祇
愛肥甜。不顧他命。報滿世來。今受此苦。
復有一獄。名曰銅柱。其中苦趣。火熱逼

身赤燒銅柱。罪人抱之。臭氣烟熏皮骨爛盡。目連問言。此緣何罪。獄卒答曰。世間牢禁。柱擄繩拚。搗縛於人。日行鞭拷。夜亦痛笞。有此罪報。甘受不辭。復有一獄名曰鋸解。其中罪苦。木板夾身。解成肉片。骨髓零分。目連問言。此情何罪。獄卒廼言。在生不識因果。夜間偷截橋梁。盜他桑果。等竹木。令人痛軋。故罹重殃。復有一獄。號為缺磨。其中囚犯。粉骨碎身。獄卒推旋。如人造麵。業風吹活。還復

磨之。目連悲哀。問言何罪。獄鬼答曰。是
人在生。不信三寶。輕忽二親。碾磨作坊。
車行踐踏。無上下尊卑。破二邊和合。罪
報難逃。故受斯墮。爾時目連盡神足力。
觀遍十八地獄。猶不見聞慈親。在於何
所。是以轉增悲憾。重復哀傷。痛念許多
罪靈。何時復得解脫。悲風慘慘。愁雨濛
濛。杳杳冥冥。昏昏黑黑。黃泉界。砂路迢
迢。沃焦山。寒峰凜凜。更有冰輪黑暗。叫
喚耕犁。八熱八寒。百千等獄。無不遊觀。

猶未知母親。竟生何地。憂愁悲苦。痛切
酸心。竭盡神疲。復經一獄。墻高萬仞。錢
壁千重。鐵網羅張。蓋覆其上。四大銅狗
吐火奔馳。週匝遶城。雷鳴咆吼。獄門謹
閉。寂無人聲。叫不能開。宵無響應。爾時

目連回神。白佛痛伸本意。佛告目連。持
吾錫杖。付汝袈裟。重到獄門。必開戶鑰。
於是尊者遵依佛言。持杖搭衣。到獄門
所。擊其三下。獄門自開。直入遊觀。尋報
其母。有一獄主。忙推師出。此是罪大獄

囚。非汝閑行之地。有何勾幹。擅開獄門。若非佛徒。罪犯不淺。目連。廼言。我是釋迦佛弟子。天眼神通第一。產生慈母。終亡以來。未知冤靈。生於何道。歷遍神力。不見踪由。汝獄門關。即不得入。今蒙佛力。幸以遊觀。根訪慈孃。報深劬德。獄主問言。汝母何似。姓甚名誰。那方人氏。目連告言。王舍城中。傅相之室。名曰青提。姓劉第四。於是獄主。欽依佛命。語傳青提。汝有孝子。名目捷。連奉佛出家。獲神

通果。今在獄門。欲求見汝。是時青提悲
歡交集。憂慶兩期。悲憂則子名未實。歡
慶則佛勅全彰。我子名羅卜。自連字何
為。獄王號令。押見其兒。於是青提親觀
仔細。果然羅卜。圓頂方衣。威儀整整。相
貌巍巍。手擎錫杖。瓶鉢相隨。口稱阿母。
臉皺雙眉。見母形相。骨瘦脰羸。脚連手
扭。身軀無衣。夜叉鬼卒。前拽後推。烟塵
全體。臭血淋漓。恩情相會。分外生悲。母
喚我子。聽我言為。自從別後。苦楚無期。

一向沉墜忍渴吞飢。針喉鼓腹。漿水遠
離。久不聞馨之味。恒抵聞痛苦之聲。我
子雖行慈孝。母身罪重千斤。何由拔苦
與樂。飽濟甜辣甘辛。目連神用不少。立
便頃刻時辰。滿鉢盛來香飯。連忙舉餉
慈親。青提得飯。搏食食熏。化成火炭。口
出烟雲。目連苦切。雙淚流零。鬼王猙惡
無面無情。請師逐便。快閉城門。目連悲
嗥動地。舉目不見慈親。迴身白佛。稟告
其因。佛言。汝母罪根深結。業重丘山。寃

報莫逃。愆尤何釋。汝雖孝順。聲動神天。
竭其精力。不能柰何。當須設佛供僧。建
大法會。普設蘭盆。解其威力。脫其倒懸。
離餓鬼苦。得生天樂。是時日連。遵依佛
勅。依法脩崇。傳視後昆。興隆是道。當是
之時。佛與高德。菩薩衆僧。受齋食畢。俱
到獄門。威光爍爍。儀容佺佺。諸天奏樂。
聲振虛空。法雲普被。法雨均霑。慈風浩
浩。慧日輝輝。照耀昏衢。莫不開朗。而地
獄主聞佛勅令。即開獄門。獄中有情咸

上卷序

扁音賞

騰音騰

拉音臘

惠音德

彙音胃類也

濯音濁洗浣也

襦音姜上聲襦負小兒衣也

保音保義同上

褫恥池二音

妳音乃字

饜音寗

餽音委去聲

耗音豪散也

悞音傲惱也

逆音崩去聲

撈音邦打也

拚音崩

搗音搗手搗也

笞音癡鞭打

押音壓

尫音汪短小也

辣音臘

壤音讓上聲

姊音姐子姐也

誕音旦

諳音庵記憶也

惛音瓊獨也

茵音郈香木之根也

資甘露。青提開解。身飽醍醐。心飡法味。
罪根頓除。業障冰消。悉脫鬼倫。得生天
道。慙愧交歡。勤虔獲慶。從今已往。稱佛
為師。更不造因。等受安樂。今日道場。同
業大眾。當知青提造罪。業墜沉淪。禮懺

求哀。福生善道。日連有母。衆等亦然。時
時懷孝道之心。念念起報慈之德。有福
者常興善事。無福者傍福結緣。休待時
光。莫空過日。宜各翹勤。等一痛切。歸命
頂禮。天人師。世間解。無上士。大覺尊。慈

悲父

南無釋迦牟尼佛

南無過去多寶佛

南無十方今身佛

南無往古來今佛

南無過去三萬劫佛

南無日月燈明佛

南無大通智勝佛

南無十六王子佛

南無未來華光佛

南無千萬光相佛

南無舍利尊像佛

南無全身寶塔佛

南無下方上行佛

南無僧祇賢聖佛

南無三乘密行佛

南無大樂說法佛

南無普現光明佛

南無慧旛勝王佛

南無根塵迥淨佛
南無妙慧德光佛

南無無邊身菩薩
南無觀世音菩薩

南無地藏王菩薩
南無目連尊者菩薩

禮諸佛已。次復懺悔。現前大眾。合道場

人。當知目連。所聞所見。地獄衆生。皆因

曩昔恣身口意。造諸惡緣。心心不絕。愛

憎念念不離。纏結全不知。三寶。解脫正

因。但祇戀百年榮華富樂。前程有限。暗

裏相催。一息不來。便同灰壤。沉淪六趣。

汨沒三塗。地獄罪因。何由得脫。青提罪

業身墜無間。目連神通。眼空實地。拔深
沉之苦趣。返極樂之淨天。我等善男子
善女人。道眼未明。罪根難拔。各人當念
所生父母。七世慈親。及我自身。所起惡
障。昔從曩劫。至於今生。未曾求哀。皈誠
懺悔。今日道場。仰承三寶。重加精進。發
露投誠。身口意業。從心念生。愛憎纏結
從心念造。心念不純。諸惡緣起。惡緣起
故。罪業交纏。罪業纏故。墮地獄中。由是
惡緣。不能解脫。唯願三寶。加我精誠。從

今日去。至坐道場。一切惡緣。更不復造。
又復現前。道場大衆。如是惡緣。或從三
寶邊起。或從天地邊起。或從父母邊起。
或從師長邊起。或從兄弟姊妹邊起。或
從眷屬親隣邊起。或從田業邊起。或從

家業邊起。或從物色邊起。或從營生邊
起。或從事相邊起。或從衆生邊起。或從
邊見邊起。或從偏曲邊起。或從有漏邊
起。或從無漏邊起。或從人我邊起。或從
今別邊起。或從無知解邊起。或從無見

識邊起。或從不平等邊起。或從無慙愧
邊起。或從貪嗔癡邊起。或從酒食邊起。
或從色欲邊起。或從才藝邊起。或從文
墨邊起。或從無心中所起。或從有心中
所起。如是種種惡緣。念念增長。未常休

息。今對大乘三寶。法界真流。目連聖師。
一真等侶。志誠求哀。盡皆懺悔。願乞消
除。從今日去。惡緣殄滅。憎愛不生。纏結
斷離。身心清淨。所生父母。歷劫親緣。七
世冤親。四生等衆。盡其六趣。普及三塗。

惡業有情。無邊幽顯。同承懺悔。同皆饒
益。願從今日。永斷輪迴。捨地獄命。得智
慧命。捨地獄身。得金剛身。捨地獄報。得
天人報。捨地獄生。得淨土生。思地獄苦。
發菩提心。離地獄憂。得涅槃樂。清涼佛
國。願願往生。菩提道場。心心成就。發起
慈悲心。普度於一切。發起廣大心。成就
諸功德。發起報恩心。利樂諸冤親。發起
精進心。菩提心不退。發起平等心。擔度
於群生。是故志誠。皈命頂禮。天人師。世

問解無上士。大覺尊慈悲父

我今演佛伽陀

降伏煩惱心魔

讀誦大乘經典

脩禮慈悲懺麼

普設蘭盆齋供

敬奉三寶六和

報答雙親鞠養

七世父母恩多

師僧訓誨提携

伴侶迓相獎導

拯濟四生九有

利樂八難三塗

大地俱登覺岸

冤親同出愛河

盡此生身一報

同皆普離娑婆

即往西方淨土

親身禮覲彌陀

合掌擎拳稽首

南無釋迦牟尼佛

南無無憂積德佛

南無寶光明施佛

南無華光明德佛

南無三乘妙行佛

南無明德光王佛

南無寶蓋照空佛

南無精進得喜佛

南無月光晃耀佛

皈命大覺真如

南無善德光明佛

南無旃檀功德佛

南無無量光明佛

南無相德光明佛

南無廣脩衆德佛

南無不壞堅固佛

南無金剛不壞佛

南無日明普照佛

南無勇猛勢力佛

南無觀世音菩薩

南無大勢至菩薩

南無地藏王菩薩

南無目連尊者菩薩

禮諸佛已。次復皈命懺悔。當之本師。慈

恩實重。能於苦惱。衆生之中。作種種利

益。拔一切苦惱。為一切安樂。成一切種

智。是故道場清衆。四姓賢良。欲報佛恩。

須明道理。佛於往昔。昇於兜率。降誕王

宮。目顧四方。週行七步。手指天地。號為

獨尊。遊歷四門。見生老病死。知苦集滅

道。皆悉無常。午夜逾城。六年煉行。鵲巢

鶴頂蘆穿膝懷。甘寂寞於雪山。守苦空
於林下。聞於半偈。棄捨全身。或觀明星
成無上道。故號如來。應供正徧。知明行
足。善逝世間。解無上士。調御丈夫。天人
師佛世尊。處世七十九年。說法三百餘

會。度無量衆生。超生死海。迥出苦淪。照
幽暗之光明。濟貧乏之財寶。經中佛說
若佛現在。當正思惟。若佛滅後。施設形
像。心存日想。生正憶念。還同如來。常住
之日。懸諸旛花。稽首十方諸佛名字。求

哀懺悔。獲福無窮。傳唱敷揚。報佛恩德。
時光亦不虛棄。必須以此扶持。所謂造
像經言。佛雖滅度。法音不絕。或施財物。
銅鍤金銀。彩畫佛像。莊嚴供養。現在如
意。後獲淨因。採花經中。復明因果。爾時
國王。勅令園人。持花供奉。時採花人。路
逢法會。奉上於佛。於是世尊。已諳來意。
施心濃厚。說法授記。當來作佛。號華光
如來。所謂佛言。我法滅後。造像供養。彌
勒初會。皆得成佛。福智莊嚴。果因不昧。

昔憍梵波提。曾作牛身。追求水草。見佛
相好。歡喜心。旋遶精舍。乘佛願力。命
終之後。即悟無生。是故道場清衆。善男
信女。從今已往。開佛勝因。皈奉三尊。孝
養父母。持齋奉戒。念誦脩因。斷殺放生。
敬師事長。愛老憐貧。衛護寡悖。謙遜朋
友。常行惠施。十善勤脩。生生種植。津糧
世世。獲殊因果。迺相警勵。饒益於人。孝
義為先。脩心為本。念念集善。聞於未聞。
各懷足下神通。朗徹襟懷。雅意翹勤。頂

禮人間天上大慈悲父

南無釋迦牟尼佛

南無淨寶光明佛

南無水天妙寶佛

南無無量鞞光佛

南無那羅延壽佛

南無光明普德佛

南無無邊智慧佛

南無清淨無垢佛

南無蓮華寶光佛

南無遊步寶明佛

南無莊嚴功德佛

南無沙羅樹王佛

南無觀世音菩薩

南無得大勢菩薩

南無地藏王菩薩

南無目連尊者菩薩

禮諸佛已。次復懺悔人生世間未了此心。

祇貪世樂眷屬團團歌笑無極不念無
常俄逝死生痛哉生不知何所從來死
不知從何而去苦身慮念無暫停時焉
知夕死朝聞未契無生之樂欲求出世
之法須脩淨土之方今日道場同業大
衆履於佛行如教進修莫生懶墮之心
常懷勤策之念生不修因死受業果昇
沉二路無解脫期欲報深恩開明佛理
迦衣草菌棲身初祖塵衣面壁大智自
耕即食神光凝雪侵腰藥師如來然身

為炬報佛報親。常啼剡心。取髓求玄。求
妙。經中佛言。憎愛未除。六道來往。捨愛
樂善。復現天身。純執勝心。修羅好鬪。愛
情交結。未脫人倫。黑業繞纏。必墮地獄。
慳貪恣噉。受餓鬼身。殺生作業。還生畜

報。前三善道。後三惡淪。嗔喜未除。悟迷
不了。循環六道。故受昇沉。盡貪塵內生
涯。未曉夢中活計。片時光景。轉念誰觀。
所謂六道之中。人能弘道。人而不為。良
可悲也。海藏拆伏。經云。勿利天子。五衰

相現觀壽命終後墮猪胎愁憂不樂。左
右有天。告言天子。佛有方便救濟群生。
若能皈敬三尊滅無量衆苦。天子信之。
求哀告佛。佛言天子。一切無常何須着
相。欲脫畜生。發菩提心。菩提心生。衆苦
息滅。是故天子。晝夜精專。存念三寶七
日。命終。生離耶國。作長者之子。始生出
世。跪膝歸依佛法僧寶。眷屬諸親。謂言
熒惑。長者聞知。言稱慙愧。人生百歲。不
曉三尊。初生孩兒。知有三寶。此子福田。

中來。收養成七歲。白父母言。我欲見佛。求於法樂。於是父母諸親。相携而往。見佛作禮。爾時蒙佛授記。證無生忍。頓覺前因。是故道場清衆。善男信女。及法界衆生。離苦得樂。求出世樂。當蒞阿耨多羅三藐三菩提心。乘佛恩力。五衰不現。四相潛消。盡明惟色。惟空。咸了即心。即佛。同乘正覺。念報佛恩。而說偈曰。

禮懺諸功德。願臨命終時。見無量壽佛。無邊功德身。我及餘信者。既見彼佛已。

願得離垢眼
往生安樂國
成無上菩提
煩惱深無底
生死海無邊
度苦船未立
云何樂睡眠
勇猛勤精進
攝心常在禪
勤修六度行
菩提道自然
皈佛得菩提
道心恒不退
歸法薩婆若
得大總持門

歸僧息諍論 同入和合海

慈悲蘭盆目連懺法道場卷上

目連行孝感人傳
錢壁銀山俱透穿
直造水窮山極處
業池花映盡生蓮

石柱山無象翁題

尊者垂慈造筏船
苾芻為庶結良緣
齊登彼岸生安養
盡出迷流脫愛纏
苦味翻成甘露味
業池化作寶池蓮
蘭盆處處興慈濟
從此恩光徹大千

蜀儿如幻沙門
如海了智

